

Augsburg, 5. Dezember 1576

An Bonaventura Vulcanius

UB Leiden, VUL 105:3, Nr. 2 (nicht eigenhändig bis auf die Adresse, den letzten Satz und die Unterschrift).

Edition: De Vries de Heekelingen S. 401f., Nr. 195.

D. Bonauenturae Vulcanio, viro docto et diserto, amico suo. Basel, bei Herrn Ambrosio Frobenio.

S. Mittimus ad te, vir doctissime, onomasticon Pollucis et opusculum ad patrem Cosmam nescio quem. Opuscula sunt mutila, obsoleta, et, vt vereor, ἀνθρακες ὁ θησαυρὸς. Tu tamen pro tua solertia fortassis ex istis sterquilinijs gemmulam vnam atque alteram effodies. Sin id minus contigerit: tamen et nos tibi gratificari voluisse intelliges: et ipse vana expectatione liberaberis.

De Perna benè est: et tua voluntas aequè mihi grata, ac si ille opera tua vti voluisset.

Ad Xylandrum quod attinet, is discipulus meus nunquam fuit: sed vir fuit eo ingenio, doctrina, industria: vt nulla re nisi aetate me superiorem illo agnoscam: multis verò et magnis rebus inferiorem. Cuius obitu res literaria iacturam fecisse non mediocrem, mihi certè quidem, videtur. Consolamur tamen nos, quod ἡφαιστίων ἀντὶ Ξυλάνδρου, nobis diuinitus missus est: qui longè maiora et meliora conetur atque praestet.

Platonem Henrici Stephani vtinam videre mihi contingat. Expectaui et vitas Plutarchi ex Episcopiana typographia correctiores. Sed frustra. Libelli quos ad Pernam misi, sub meo nomine non eduntur, ἔξω βελῶν εἶναι βουλομένου. Et Plato Plethoni nihil incommodabit. Vale καὶ μέμνησο

Αἰὲν ἀριστεύειν καὶ ὑπείροχος ἔμμεναι ἄλλων.

Augustae Vindelicorum. Nonis Decemb[ris] Anno 76. Hospitem tuum, D. Ambrosium Frobenium, familiarem olim meum, officiosam ex me salutem dicas velim.

Hiero[nymus] Wolfius
Tuus.